

温州市图书馆编 方浦仁 陈盛奖 整理

劉紹寬日記

第四册

中国近代人物日记丛书

中华书局

温州市图书馆编 方浦仁 陈盛奖 整理

劉紹寬日記

第四册

中国近代人物日记丛书

中华书局

目 录

民国二十三年甲戌

(1934) 1353

一 月 1353

二 月 1358

三 月 1363

四 月 1371

五 月 1377

六 月 1382

七 月 1387

八 月 1394

九 月 1404

十 月 1411

十一月 1429

十二月 1451

民国二十四年乙亥

(1935) 1462

一 月 1462

二 月 1473

三 月 1484

四 月 1495

五 月 1505

六 月 1518

七 月 1526

八 月 1539

九 月 1548

十 月 1556

十一月 1567

十二月 1577

民国二十五年丙子

(1936) 1587

一 月 1587

二 月 1596

三 月 1608

四 月 1616

五 月 1624

六 月 1633

七 月 1649

八 月 1661

九 月 1674

十 月 1684

十一月	1694	五 月	1741
十二月	1703	六 月	1748
民国二十六年丁丑		七 月	1754
(1937)	1713	八 月	1764
一 月	1713	九 月	1773
二 月	1720	十 月	1781
三 月	1728	十一月	1788
四 月	1735	十二月	1795

民国二十三年甲戌(1934)

一 月

一日,旧历癸酉年十一月十六日壬申 晴

到救济院,城区婴孩点卯。

二日,十一月十七日癸酉 阴

小南婴孩点卯。

三日,十八甲戌 晴

万全婴孩点卯。作《华氏族学记》成,交吴霁庵抄之。

四日,十九乙亥 阴

在救济院,和海髯诗未就。蔡心夫来,与同至姜啸樵处,留午饭。心夫以南北鹿渔业事与鳌江有争点,余允为往志澂处商之。夜金翼云来,言救济院事,吴志谦辞退,姜啸樵为副院长,即此了结云。

五日,二十丙子 晴

往鳌江,在志澂家午饭。志澂言瑞安蔡氏兄弟多误会,余前函瑞安渔民,原期蔡氏兄弟出为圆场,乃竟遽上控,极以恶言相诋。至命案出事在竹排掇,一批渔民经手及出钱者皆瑞安人,与渠处无涉。若护商事,则渔民在南鹿者,归南鹿出护费;在北鹿者,归北鹿出护费,本无所谓争点也。

六日,廿一丁丑 晴

到救济院,和姜啸樵诗。

七日,廿二戊寅 阴

发高吹万、黄胥庵、曹明父、李寅生各函。

午后县政府开会,议积谷事。缘省保安处饬平阳豫储兵米五千石,封存城内。金议城南封存若干家,小南、万全封存若干家,凑足五千石,每石给以大洋五角为定钱,其款向农民银行支借二千五百元,由地方担任,以四厘还息。小南、万全之谷不必封存城内云。又长途电话接至桥墩,须大洋二千四百元,金议由萧家渡、横渚铺、灵溪、桥墩筹取。又每乡镇各派大洋卅元凑之,如再不敷,由城区、鳌江筹补云。

八日,廿三己卯 雨,寒

绍毅弟同高姓人来,为高松如讼事,余劝令理息为妙。蔡心夫函来,为鳌江南鹿事,将函转致姜啸樵商之。孙店命案事,傅阿箫开费至四千馀元,案尚不了,余为函致原公^①缪雄甫,令设法理之。

九日,廿四庚辰 雨

余震来,言在都口学校因收亩捐谷为地民所殴,扛验。查余震之办都口学校,系孙彰生等主张,非得汤献廷同意,此次被殴,献廷子定一所为也。

十一日,廿六壬午 晴

昨孙彰生同薛金钗来,为李寅生田租事,余为遣价招寅生来。今晨为寅生接洽,许每亩补租二十斤云。寅生言,福州初九日,人民被炸弹死百馀人,兵死数十人。地方扰乱,富民皆逃往南台租界,贫

^① 原公:原来中间公人。

者或入山林避之。蔡廷锴、李济琛^①任潮、陈铭枢皆在租界，人民咸怨。蔡廷锴谓蒋兵如来，皆即反正云。

十四日，廿九乙酉 晴

《瓯风杂志》第一期已出版。此志为瑞安陈穆庵主辑，出资者林志甄，社论林损作，未见佳。籀师^②校顾亭林诗，以刻本触讳处多窜改，非真本，而以抄本校正之，其书颇有价值。

十六日，旧十二月初二日丁亥 阴雨

救济院点卯，本分城区、小南、万全为三日，自今日始并为两日，自城南起并小南为一日，自城内以北并万全为一日。姜啸樵同来点卯。

十七日，初三戊子 雨

救济院点卯，城内、万全。啸樵同来。

十八日，初四己丑 雨，寒

连日事极冗杂，皆乡曲琐事，姑记一日以见例。周鹤年来，以黄柏庄与陈蓉垣涉讼，乞处之。碧潭庵小和尚萧姓，刘店之以地邻有串敲事来诉，余托式崇处理之。施明来，言坟墓为黄姓所毁，经高等厅审判准予安厝，请向县派队弹压，以免黄姓阻葬。定海寺斋公斋妈以为金恂如敲索来诉。苏法竞以众谷被族人兜收起诉。黄伯华乞函致开明书店段光尘，为拼股事。僧式崇以和王志澂诗见示。张定庵与侄涉讼，余许为邀人理处。青田汪鑫亚托向县政府荐缺。

近日所作挽联汇此。林赞侯云：“共学卅年前，往事难忘，记曾横舍谈经，都讲屡膺侯霸选；别离十日后，闻丧惊悼，最憾乡邻有斗，纠纷未解鲁连亡。”时里有王、林械斗事未解。伍子莘云：“嗜好世殊科，

① 蔡廷锴、李济琛：原稿作蔡廷楷、李见琛。

② 籀师：即孙诒让，号籀廌，晚清瑞安人。

惟对名花亲鞠蘂；来去心不昧，定修善果证菩提。”蒋季哲云：“生前营圻，表圣达观，江海惜栖迟，未极时艰撼伟抱；后起多材，立成济美，荡湫钟灵秀，从知世德萃高门。”

又玉皇殿联云：“帝德荡难名，击壤自安耕凿咏；天颜知有喜，眠云同拜冕旒尊。”

二十日，初六辛卯 寒，晴

鸣山蔡弗光葬其先人，与迎主于塘桥。

昨至宕坪余采臣处，商议季洪离婚条件，未解决。

廿一日，初七 晴，寒

余采臣、张鹏翼、马季洪在余家，商季洪与夏氏离居事。午后与采臣至宕坪，晤夏氏，条件相差尚远。夜季洪来约，渠明日再留一日，商之。

廿四日，初十乙未 阴

肩輿往藻溪，为郑季豪母夫人华氏七旬开祝。杨君旭、苏达夫、郑克之亦来，夜宿陈瑞五家。季豪现住之屋，乃刘藻泉之屋。藻泉名则榜。祖父学客，开刘同盛南货店，学客子厚景，两世皆忠厚，被欺于人，而家特振兴。子藻泉，而甚伶俐，善经营，其屋亦其所手创者，乃以烟赌嫖荡，尽失其业。有才而不肖，即所谓不才子也，可慨！吴雁卿鸿飞，前清武生，江南芙蓉桥人，年八十矣。余往来藻溪三十余年，每来必相见，闻其后嗣亦好。此地如康侯昌、陈兰亭、刘学客等家皆中落，而先生强健犹昔，足羨也！拟另作诗贺之。店开吴永茂。

廿五日，十一丙申 晴，寒

郑母今日生辰，午席三十馀。

廿六日，十二丁酉 晴，寒

晨自藻溪回，得刘贞晦书，以所写文信国祠碑落两字，应否再

书,乞复。余以落两字不大妨碍,可不必再书。

廿七日,十三戊戌 晴,寒

伍霁庵葬其父子莘于某山,与迎主于坡南。

道人雁水真,俗名林荣泉,有人诉其通匪并吸烟。余为辨明,通匪绝无其事,至吸烟一节,已发黄孚中普仁医院调验。

徐总统世昌弟世光,与兄同年举人,捐由知府升道班,光复后不仕。袁项城在任时,一出治河,功竣即隐。民国六年卒,十九年安厝,今年为三周纪念,广征诗文。其卒时,诸遗老谥之曰“贞惠先生”。中国红卍字会,渠所创也。

阅报,廿一日泉城收复,同日漳州不战而退。沈光汉、毛维寿、区寿年、张真等皆投诚,奉戴戟出任维持。陈铭枢、李济琛二十午乘机离漳。三月一日溥仪在长春举行即位式,其费用三十三万一千五百日金,已计入大典预算。

廿八日,十四己亥 阴

救济院开会,议决筹款办法二条:一、组董事会;二、捐募田亩及银钱。田亩请奖银钱,用开彩法行之。

廿九日,十五庚子 阴雨

晨往仪山,为王、林和解事会商,由区长郑绍礼召集王、林两姓于明日午后来会议。夜宿李寅生家。

三十日,十六辛丑 雨

寅生减租事尚未了局。本日李乐山往浹中堡秤收,晚回,云仅收四十馀斤。乘乐山船到仪山,杨志凯、王仲平已来。是日,杨公祠田亩等交与方铭卿掌管,午有宴席,余亦与焉。午后林赞卿等均来,林姓谓非有万金以上不能议和,王姓许洋银三千元,以相差尚远。陈小垞议先由公人杨朝栋、周鹤年等向两下磋商,接近后再议之。

林姓谓正凶如有缉获一二名，便可减让云。夜仍宿李寅生家。

卅一日，十七壬寅 雨

外甥李贤恭发蒙，余为授读。午后舟至林官仓，宿林君楚家。

二 月

一日，旧十二月^①十八日癸卯 晴

舟过刘店，谒见家婶，并向崇光取田款卅元回。以本年卖去田一亩，计大洋百〇一元。女甥孙林蕢、林巧眉同行至鳌江，林蕢向中国银行领款，并汇寄与肇荫杭州也。余遂乘河轮回城。

二日，十九甲辰 雨

到救济院点卯，回至栏杆桥，闻外人喊有土匪，家家闭户。少顷，始悉警察在菜场闹事。缘警察强拉小贩入菜场，稍有违抗，即拘判罚。贩者惧拘而逃，见者以为有土匪来，遂致市铺相率停闭，县长自出安民，乃止。事后，与阮伯陶至县政府，县长以警察言，将查拿首先造谣者。余与伯陶为言警察办法之不善，与菜场之必须改良。时迫旧腊，买卖麇集，而强迫其荟萃于不可容纳之菜场中，必致僨事，非有人怀恶意以致煽造谣也，乃止不办。现在新政不务实际，仅张门面，趋新花样，往往如此，可叹！

三日，二十乙巳 晴

挽董昌山联：“我忝同庚，常相见依依，羨君暮景桑榆，别有听歌心赏地；岁非在巳，偏惊呼起起，此后春风几席，更无围坐手谈时。”昌山，子猷父也，喜欢看剧，城乡十里内每有演剧，必往观，又喜马吊戏，

① 十二月：底本脱“十”字。

故云。

四日,廿一日丙午 晴

戌刻立春。县政府开会,议平泰公路筹款事。

六日,廿三戊申 晴

瑞安张宋顾托销《瓯风杂志》,仅销四份,收到实款二份,交河轮司事黄君带去。孙女仪鸿,今日往中学。

七日,廿四己酉 晴

金翼云乞为王伯琳作函与黄溯初,请证明伯琳在公司服务三年,俾报为农民银行副总理。

八日,廿五庚戌 晴

孙店傅君箫为人命拖累事,经舍弟仲琳为和解。后仲弟物故,而事主翻异起诉,君箫被押。余因为县长说明各情,须再传其他公人到案,讯明核办。

九日,廿六辛亥 晴

陈陶庵为金乡国术馆拳师陈阿根等殴伤,吴某主持公道,被宵小所衔,于廿三夜挤之厕中,今日来县起诉。

寄林烈夫竞诗,和其《四十自述》,次韵。为姜柏先函致叶溯中、林佛性。溯中函来,甥孙杨世煌考入高中,成绩颇佳。

十日,廿七壬子 晴

是日家祭,为分岁节。

十一日,廿八癸丑 晴

午后处理傅君箫事,未就绪。肥艚赵宗木等来,言监后垵人报告苏寿眉窃网,全无天理,乞为函致志激言之。

检各处贺年片,得悉友人住址:周葛民,永嘉公安局长警补习班;王业,温州技术专员办事处;殷汝耕,河北省蓟密区行政督察

专员；陈功甫，广州市立第二中学；王崇玉，安徽省督学；吴恒，屯溪电报局；沈苑明，住南京承厚里一号；王鹤清，广州勤勤大学师范学院。

十二日，廿九甲寅 晴

检旧信及信封印花粘帖之。买东门元坛庙永庆案一股，陈鹤卿以冬下亏空告借，遂将该案买来，予以大洋拾元。

十三日，卅日乙卯 晴

任黼卿往仙游殷公武处，为匪所劫，闻二十日已到家。金乡徐松生子某亦被劫，同回。

二月十四日，旧正月初一日丙辰 阴

马颐钧、曹敬夫、阮伯陶、吴仲和、立三、马敏中、张鹏翼、金翼云、吴志谦、王景澄来。余亦至敬夫家，旋至伯陶家，即回。景澄留午饭。午后余与志谦叙于颐钧家，闻客来甚多，均未晤，甚歉。

十五日，初二丁巳 晴

晨起，本拟往刘店，因风寒，似欲雨，遂止，迨天气放晴，时间已傍晚矣。杨志闾、王伯龄、林醒石来。午后至姜啸樵、黄梅生家。梅生除夕赠梅，未有诗来，以诗催之，旋得和。过党部，看黄百川围棋一局，再过尤心兰寓处，回过蔡云笙。

十六日，初三戊午 晴

道人雁水真来，言凰仙寺缠讼事，殊可厌。往救济院点卯，到者不及半数。同黄听松、江蕙林、陈伯龄至杨志朗处，留午饭。

午后至苏达夫处，随过祝邃生、王宾臣，皆不晤，回。到通济轮船局，晤司事黄君，谈及年内蒋司令曾乘飞机到永嘉，径往叶三宝药铺，以有奉化同乡在内也。到时，即请姚司令琮来谈，至夜分，遂乘飞机去。姚语杨雨农，云蒋公形貌消瘦，不如从前之丰腴，发际多苍

白,盖劳心甚矣。

刘肇沛、罗礼挺来,言有曾奎熊者,有田四亩,卖尽于罗礼挺,仍霸占,不得起种,请其赎去又不肯。渠自谓有曾咏风为之倚仗,小人之无理乃如是。为作函致曾石嵌,如奎熊来,请理斥之,并笺致善龙乡^①乡长吴凤举、陈菊生,令处之。

刘成壬同其子^②昌宝字席珍来,云令其子从学,许之。周鹤年同侄勃夫来,勃夫为松阳清理积案委员,明日动身。

去冬十二月廿八日,垞头人因县法警来捕张有泉,山北人为作眼线,因路截捕山北人,殴之。王仲平为之释放,后复在路拦截山北人,致落河而毙,是又添一命案矣。

十七日,初四日己未 晴

婴所点卯后即回。刘成壬父子今晨回。卓辅廷来来^③,留。午后同蔡云笙至马颐钧家,晚回。

十八日,初五庚申 阴

姚司令味辛挈眷来游南雁,张县长邀同迓于北门轮埠。

辅廷回,为函致王文弢,以辅廷出广源,托荐福州或上海轮船职务。后闻仍用在广源中。

十九日,初六辛酉 晴

午后至黄梅生家,晚回,始悉李寅生来。

二十日,初七壬戌 阴

寅生晨回。林君楚十八来。余晨往永嘉,以刘贞晦将出门,往一晤也。姚司令于昨日由鳌江乘轮到瑞安,留宿,今日午前已到永

① 善龙乡:据《苍南县志》,应作龙善乡。

② 底本无“子”字,据下句文意补。

③ 来来:疑衍一“来”字。

矣。司令职务已奉令结束。午后晤贞晦，与张鹏翼同往，谈甚久。又与同至五马街石刻店，看江心及仙岩诸碑刻。贞晦邀酌，同席鹏翼、陈君檄，共四人。

廿一日，初八癸亥 晴

同张鹏翼自永嘉回，始悉许专员昨来平阳。午后开筑公路筹捐及减租两议会，往谒，即与开会。议决公路派款十万，半以工代，半由富户商家共担任之。旋以工代不能邀准，皆由民间摊捐。夜开减租会议，余不往。

廿二日，初九甲子 阴

上午开公路筹款会，议决举常务五人。筹款，产业依农民银行为标准，商业依营业税为标准。午刻同汤献廷、杨志凯公请许专员及谢佐理员、各科长等七人。许专员邀晚酌，共三席，陈小垞首座。席中谈及永嘉奢侈，急宜救之以俭。又言中国人衣食住行依赖外国，不能自解决。又言中国人毫无礼节，彼此对观，可见兴亡之象，语皆切挚。

溪头同姓来，留宿。是日同姓来者甚多。

廿三日，初十乙丑 阴

贫民习艺所今日挑选艺徒，正额四名，备取五名，以抽签定之。

廿四日，十一丙寅 雨

作《北港联安桥记》成，未缮写。晚宴曹缉之，为姜宅新郎来见也。同席姜柏先、朱秋帆、江蕙林、郑克之、金翼云、祝禹希、郑梓怀、刘席珍也。席珍初九来从学，为说《左传》、《论语》。以后每日不悉记。县长张道镒玉麟邀晚饭，同席陈小垞、杨志凯、王仲平，商处王、林事。

廿五日，十二丁卯 阴，晚雨

蔡孟平昌钺与鲍雪梅女士结婚，仲莠女也。余为证婚，来宾颇多，

演说者王建之、李仲薇二人。午晚皆与宴。鲍仲蓐来,留宿。

廿六日,十三戊辰 阴

鲍仲蓐辞往蔡宅,以令祖石芝先生像属题。上午教育局开会,余提议亩谷捐应归各区教育款产委员会秤收,以免各校兜收争执。夜宿宕坪。

廿八日,十五庚午 雨

黄逢锦来,以东奎学校事,诤者甚多,余劝其自动辞职,由教育局调就他处,渠殊不依。曹敬夫宴姜啸樵,邀陪席。夜杨公燕、郑克之来。克之言东奎校长须换,已与公燕接洽,故与同来。

方玉卿国琛明日开奠,以雨不能往,遣人送挽联及奠仪去。联云:“孝友于家,慈惠于乡,庭闱内无间人言,万行胥根至性;处世之明,宅心之恕,弥留时犹殷邻谊,一端足概生平。”玉卿将没时,适邻婚娶设宴,属调参,延数刻之命,曰毋使邻人不终嘉礼也。

三 月

一日,旧正月十六日辛未 雨

金家垵金处、金家沿人均来,以金力霸字松亭。与胜水讼事,今日集讯。余理令两造情礼平均,共费洋十四元,力霸出三元,余代金家沿人答应了之。

二日,十七壬申 晴

婴所点卯,啸樵亦来。侯子光来,为其族人事。钱仓刘玉亭等三人来,均留午饭。作《张聘三先生八十有五征寿言启》,缘许专员来平时,以建积谷仓事属聘三先生发起,而以祝寿醴资成其事,此《启》为是而作。午后往鳌江。

三日,十八癸酉 晴

王甥孙景荣是日婚娶。午后同林君楚及侄饗生往江南,夜宿刘店,过访鲍竹君。族有刘际先抽签训练队伍,其母甚惊惧,来问。余告以此举并不妨事,不过欲使人人知兵耳。如因训练期间家中难度生活,可由里人醵资供给之。如下次他人抽得,而贫者亦可醵资助彼。是则人人可抽签矣。

四日,十九甲戌 晴

往林官仓,在君楚家午饭。随往张家堡,杨志凯招待甚殷。君雅来谈,晚同饮于志凯家。

五日,二十乙亥 晴

自张家堡回,午饭李公仪家,遂乘河轮回城。

闻黄梅生来邀,以《张启》稿相商,在座觉寒颤,腰骨沉痛,遂归。卧床,夜汗出,始愈。是日俗事甚夥。

六日,廿一丙子 晴

晨起食粥,以昨伤于风食,故今日食素。为六女与姜柏先又提离婚之议,函与缙生、志澂。项子安来,馈沙饌,留午饭。鲍仲勇、林稚鹤来,为王炘甫离婚,姜氏诉讼,议给养金事。朱甥仲铭来,留宿。

七日,廿二丁丑 晴

仲铭晨回。颜次周、林稚鹤来,为王、姜事。

八日,廿三戊寅 晴

到救济院,知前议筹捐两案,省府均未邀准。

王、姜离婚事,今日集讯,堂谕须王炘甫、林玉到案再讯。林玉,稚鹤女,姜氏诉谓重婚者也。

九日,廿四己卯 晴

午后县政府为公路事开会,余不往。

十日,廿五庚辰 阴

陈子琳昨自汉口回,午后往访,见赠小考而夫球一副。

昨曹敬夫来,言姜存松离婚事,已听劝不离而另娶,余亦姑听之。

十一日,廿六辛巳 晴

作《周之庠生圻记》,未修正。晚伍仲儒招酌。

阅唐诗五律钞本二册。以后不记。

十三日,廿八癸未 雨

董志猷尊人昌山君今日开奠,即安厝,余往吊,即送葬。

陈少文遣价来,送磁碟十个。

三月十五日,旧二月初一日乙酉 晴

十时乘河轮,十一时半过飞云渡,以无江轮,乘舢板,适潮落,逆流不能径渡。沿江溯流而上,与对岸渡口成三角形,乃始横渡,俗名“三条江”,费时甚多。到永嘉已四时半矣,寓安乐旅馆。

十六日,初二丙戌 晴

同林醒石访童局长,旋过莱复衣庄陈鹤笙处,少坐。鹤笙言蒋组蓝衣党^①,甚严密。

午后联立中学开校董会,到者各县共十二人,议决三案:一整顿温溪涂田,一建筑大礼堂,一添建校舍。晚杨雨苏宴会中诸人。

十七日,初三丁亥 晴

晨自永嘉回。睿生侄前上海学习音乐,尚差半年未毕业,不能再往就学,余允为购音乐书,使自肄习之。

^① 蓝衣党:1933年国民党复兴社欲仿效意大利褐衫党、德国黑衫党等法西斯组织,建立秘密特务组织,并规定成员一律着蓝色衣衫,但未获批准。